

# UNIONE COMUNES DE SU BIDDANOA

---



Comune de  
Romana



Comune de  
Villanova Monteleone



Comune de  
Monteleone



Comune de  
Pàdria



Comune  
deMara

S'Unione de sos Comunes de su Biddanoa promovet su Programma Europeu

"Youth Phoenix Project: Youth ambassadors Program"

## DESCRIZIONE DE SU PROGRAMMA:

Su progetu s'insertat in su cuntestu de su pianu UE 2019-2027 pro sa gioventude e s'indiriztat a sos giòvanos tra sos 18 e 29 annos chi benint dae Itàlia, Bulgaria, Romania, Lituania e Frantza

Sa punna generale est cussa de promòvere s'isvilupu de capatzidades ispetzìficas tra sos giòvanos de sos 5 Istados membros pro afrontare sos disafios ligados a sa crisi Covid-19 e sas cunseghèntzias suas, indanimende una collaboratzione regionale sustenende sa creatzione de una rete innovativa de organizatziones giovaniles.

Su programma si cumponet de:

- 4 *training*: 2 dies de *National motivation training* subra de sos temas de sa tzitadinàntzia europea, s'isvilupu de sa solidariedade e de s'inclusividade, istrategia europea pro sos giòvanos, *leadership* e *project management*; 2 *National motivation training* de duas dies onniunu dedicados a s'isvilupu e a s'acumprida de progetos europeos;
- 1 *dibata* cun duos temas: comente fàghere fronte a sos disafios e a sas cunseghèntzias chi derivant dae su covid-19 e comente sos giòvanos podent alimentare sa democràzia euròpea;
- 2 *international challengs' event*; sos partetzipantes ant a pòdere proporre argumentos diferentes pro initziativas/progetos europeos noos tra sos cales ant a èssere seletzionados sos 5 temas prus votados;
- unu *large scale mobility event* a su cale ant a partetzipare sos *Youth Ambassadors* (sos giòvanos tra sos 18 e sos 29 annos) de onni Istadu membru.
- *Throwback Thursday event*: sos partetzipantes ant a cumprare sos resurtados de s'esperientzia pròpia e de sos disafios afrontados peri totu su percursu.

sas atividades propostas previdint momentos de formatzione in un'àmbitu internazionale chi inghitzat su cunfrontu, sa cooperatzione, sa solidariedade e s'inclusividade, una partetzipatzione tzìvica majore e sa promotzione de su sensu de tzitadinàntzia europea, e puru s'isvilupu de capatzidade de *project management*. Cuasi totu sas atividades s'ant a acumprire subra de una piataforma on-line apòsita.

S'eventu de mobilitade internazionale s'at a fàghere in **Sofia in Bulgaria**. Ant a partetzipare leader giòvanos, funtzionàrios e responsàbiles políticos, tra custos **Biliana Sirakova, Youth Coordinator de sa UE**. S'eventu at a durare 2 dies e at a èssere indanimadu dae mesas de arrejonu subra de temas diferentes comente disafios e prospetivas, creatzione de rete tra giòvanos, oportunidade de finantziamentu de sas iniziative giovaniles. A congruida de s'eventu b'at a èssere sa premiatzione de s'*Ambassador* prusativu.

### **RECHISIDOS DE PARTETZIPATZIONE:**

Podent presentare dimanda de partetzipatzione sos giòvanos chi:

- Siant residentes in unu de sos 5 comunes de s'Unione: Mara, Monteleone, Pàdria, Romana, Villanova Monteleone.
- Apant un'edade tra sos 18 e sos 29 annos.

Est previdida sa partetzipatzione de 2 giòvanos pro onni comune pro unu totale de 10 postos.

Si su nùmeru de rechestas de residentes in unu comune diat èssere inferiore a sa cuota de riserva, sa Commissione at a pòdere individuare àteros residentes idòneos in unu de sos àteros comunes de s'Unione.

In casu chi su nùmeru de sas dimandas siat prus de sos postos a dispositzione, at a èssere leadu a cunsideru comente critèriu de ammissione s'apartenèntzia a assòtzios chi indàminant sa vida sotziale de sa bidda e su livellu de connoschèntzia de sa limba inglesa.

**Sas dimandas ant a dèvere èssere presentadas intro de su 16 de freàrgiu de su 2023**